

新刊經進詳註昌黎先生文集

新刊經進詳補註昌黎先生外集卷第四
雜著

通解

補註呂夏卿以爲趙德觀受之
于公則此文誠公之作無疑矣

今之人以一善爲行而耻爲之慕達節而稱夫
通才者多矣然脂韋汨沒以至於老死者相繼
亦未見他人之稱豈非害教賊名之術歟且五
常之教與天地皆生然而天下之人不得其師
終不能自知而行之矣故堯之前千萬年天下
之人促促然不知其讓之爲美也於是許由哀

天下之愚且以爭為能迺脫屣其九州高揖而
辭堯由是後之人竦然而言曰雖天下猶有薄
而不售者況其小者焉故讓之教行於天下許
由之為師也嵇康高士傳曰許由字武仲堯舜
皆師之典蓋哉論堯而由去隱乎沛
澤之中并舜乃致天下而讓焉由乃去宿於道
為汙乃臨池水而洗其耳池主怒曰何以汙我
水由乃退而遯耕於中岳潁水之陽箕山之下
踐草履也與屣同意孟子曰舜視棄天下猶棄
敝屣自桀之前千萬年天
下之人循循然不知忠易其死也故龍逢哀天
下之人不仁觀君父百姓入水火而不救於是
進盡其言退就其割烹故後之人竦然而言曰

雖萬死猶有忠而不懼者况其小者焉故其忠

之教行於天下由龍逢之為師也博物志曰桀造石室瑤臺

關龍逢諫桀桀曰吾之有民如天之有日月士則我士以為龍逢妖言而殺之自周之

前千萬年渾渾然不知義之可以搜其生也故

伯夷哀天下偷且以彊言天下之人不知捨生

為則伏食其葛薇逃山而死於是後之人竦然

而言曰雖餓死猶有義監本正文作死注云一作強而不懼

者况其小者焉故義之教行於天下由伯夷之

為師也伯夷事已見上伯夷頌是三人俱以一身立教而

為師於千萬年間其身亡而其教一作名存於扶

持天地而功亦厚矣嚮令三師耻獨行慕通達
則堯之日必曰得位而濟道安用讓爲夏之日
必曰長進而否退安用死爲周之日必曰和光
而同塵安用餓爲若然者天下之人促促然而
爭循循然而佞渾渾然而偷其何懼而不爲哉
是則三師生於今必謂偏而不通者矣其可不
謂之大賢人哉嗚呼今之人其慕通達之爲弊
也且古聖人言通者蓋百行衆藝備於身通而
行之者也今怕人之言通者蓋百行衆藝闕於
身而求合者也是則古之人言通者通於道義

今之人言通者通於私曲其亦異矣將欲齊之
者其由矜糞丸而擬質隋珠者乎莊子讓王篇曰以隋侯之珠彈千仞之雀疏云隋國近濮水濮水出寶珠即是靈蛇所衛以報者故謂之隋侯之珠事見元協律詩且令今父兄教其子弟一有者字曰爾當通於
行如仲尼雖愚者亦固知其不能耶曰爾尚力
一行如古之賢雖中人亦希其能矣豈不由聖
可慕而不可齊耶賢可及而可齊也今之人行
未能及乎賢而欲齊乎聖者亦見其病也夫中
人之進修或幾乎聖人今之人行不出乎中人
而耻乎力一行為獨行且曰我周通同如聖人

彼其欺心耶吾不知矣彼其欺人而賊名耶吾不知矣余懼其說一作之將深為通解

擇言解

火洩於密而為用且大能不違於道可燔可炙

可鑄可甄

鑄謂鑄器之模範甄作瓦之人也吉延切董仲舒傳猶泥之在鈞惟甄者

之所為猶金之在鑄惟冶者之所鑄

以利乎生物及其放而不禁

反為災矣水發於深而為用且遠能不違其道

可浮可載可飲可灌以濟乎生物及其導而不

防反為患矣言起於微而為用且博能不違於

道可化可令可告可訓以推於生物及其縱而

不慎反爲禍矣火既我災有水而可伏其焰能使不蹈於灰燼矣水既我患有土遏其流能使不仆於波濤矣言既我禍即無以掩其辭能不罹其失者亦鮮矣所以知理者又焉得不擇其言歟其爲慎而甚於水火

鄆人對

唐史孝友傳云唐時陳藏器著本草拾遺謂人肉治羸疾自是民間以父母疾多割股肉而進今有京兆張阿九等二十有八人或給帛或旌表門閭皆名在國史善乎韓愈之論云云雖然委巷之陋非有學術禮義之資能忘身以及其親出其誠心亦足稱者故列十七八焉
鄆音戶屬京兆府即古有扈之國也史

氏所載張阿九
者無乃是歟

鄠有以孝為旌門者乃本其自於鄠人曰彼自
剔股以奉母疾瘳大夫以聞其令尹令尹以聞
其上上俾聚士以旌門使勿輸賦欲為後勸鄠
大夫嘗曰他邑有是人乎愈曰母疾則一作烹
粉藥石以為是未聞毀傷支體以為養孝經曰
膚受之父母不敢毀傷孝之始也在教未聞有如此者苟不傷
於義則聖賢當先衆而為之也是不幸因而且
致死則毀傷滅絕之罪有歸矣其為不孝得無
甚乎若有合孝之道又不當旌門蓋生人之所

宜為曷為異乎

辨證云曷足為異乎今脫足字

既以一家為孝

是辨一邑里皆無孝矣以一身為孝是辨其父

祖皆無孝矣然或陷於危難能固其忠孝而不

苟生之逆亂以是而死者乃旌表門閭

之適也里門謂

之閭旌表者若今樹闕而顯之

爵祿其子孫斯為為

上為于偽切勸

已矧非是而希免輸者乎曾不以毀傷為罪滅

絕其憂

辨證云滅絕為憂今誤作其字

不腰於市而已黷於政

况復旌其門

河南府同官記

補呂夏卿以為此文趙德親受之於公况其序事非公筆不能也五人者以

傳考之皆然獨裴均為河南參軍去府為長水尉鄭余慶為汜水簿去汜水為監察御史及從工部尚書留守東都傳皆逸之獨見公此記而鄭余慶留守東都又見公上鄭尚書書相公啓及送鄭涵序其後惟言裴均之為漢南趙宗儒之鎮江陵而不及盧願二公則是時已死矣公作此時為都官外郎分司東都

永貞元年愈自陽山移江陵法曹參軍獲事河

東公

裴均

嘗與其從事言建中初德宗天子始紀年

更元命官司舉貞觀開元之列

列當

羣臣惕慄

奉職命材登良不敢私違當時自齒朝之士而

上以及下百吏執事官闕一人將補必取其良

然而河南

時一有同二字

於天下稱多獨得將相五人

故於府之參軍則得我公於河南主簿則得故

相國范陽盧公邁

河南府治河南縣

於汜水主簿則得

故相國今太子賓客滎陽鄭公餘慶於陸渾主

簿則得今相國吏部侍郎天水趙公宗儒於登

封主簿則得故吏部尚書東都留守吳郡顧公

少連

四公唐史皆有傳

盧公去河南為右補闕其後由

尚書左丞至宰相

貞元十四年七月為相

鄭公去汜水

為監察御史佐山南軍其後由工部侍郎至宰

相罷而又為

貞元十四年七月為相十六年九月

年十一

趙公去陸渾為右拾遺其後由給事中

為宰相

相元十四年七月

罷

顧公去登封為監

察御史其後由京兆尹至吏部尚書東都留守

我公去府為長水尉

縣名屬河南府

其後由膳部郎中

為荆南節度行軍司馬遂為節度使

周禮職方正南曰

荆州故曰荆南右江陵

自工部尚書至吏部尚書三相國

之勞布在史冊顧吏部慎職小心于時有聲我

公愿潔而沈密開亮而卓偉行茂于宗事修于

官嗣紹家烈不違其先作帥荆南

一作南荆辨證云帥一作

并厥聞休顯武志既揚文教既

一作亦

熙登槐贊

元其慶且至

周禮秋官朝士之所掌三公面三槐鄭氏謂槐之言懷也懷來於此

欲與之謀元與元故好語故事者以為五公之

治迹也同其後進而偕大也亦同其稱名臣也

又同官職雖分一作雖則無官職分功德有巨細其忠勞

於國家也亦同有若將同其後而先同其初也無一

弛有聞而問者於是焉書既五年始立石刻其

語河南府叅軍含庭中於是河東公為左僕射

宰相出藩大邦開府漢南裴均傳曰均既帥荆

書右僕射俄檢校左僕射同中書門下平章事

為山南東道節度使唐開元時分山南為東西

東道理襄陽西道理梁洋襄陽鄭公以工部尚

書留守東都趙公以吏部尚書鎮江陵漢南地

連七州戎士十萬其官宰相也

山南東道統江陵復郢峽歸鼎

澧七州事已見送李尚書詩

留守之官居禁省中歲時出旌

旗叙留司文武百官於宮城門外而衙之江陵

故楚都也戎士五萬

通典曰江陵故楚之郢地秦分郢置江陵縣今縣界

有故郢城有夏水口即左傳沈尹戌奔命於夏汭之地有荒谷即莫敖所縊谷也

三公

同時千里相望可謂盛矣河東公名均姓裴氏

均字君齊行儉之孫唐史有傳辨證云自永貞元年至元和四年九五年是年刻石於河南

軍舍時退之分司東都

宜城驛記

宜城襄州屬邑元和十四年二月記者公時出為潮州也其記則詩所謂

一聞茅屋
系昭王也

此驛置在古宜城內

通典云襄州宜城縣本楚之鄢都漢置宜城縣其地

在今縣南宜城驛東北有井傳是昭王井有靈異至

今人莫汲

開元二十二年初置十道採訪使韓朝宗以襄州刺史兼山南東道襄州

南楚故城有昭王井傳言汲者死行人雖渴因不敢視朝宗移書諭神自是飲者無恙人更号

韓公井朝宗者思驛前水傳是白起堰西山下

澗灌此城壞

昭王起秦楚人多死流城東陂臭聞

遠近因號其陂曰臭陂有蛟害人漁者避之井

東北數十步有楚王廟

昭王廟也集有詩

有舊時高木

萬株多不得其名歷代莫敢翦伐尤多古松大

竹于太傅

頓一有帥

襄陽遷宜城縣并改造南境

數驛材木取足此林舊廟屋極宏盛今惟草屋

一區然問左側人尚云每歲十月民相率聚祭

其前廟複小城蓋王居也其內處偏高廣負八

九十畝號殿域當是王廟內之所也多輒可為

書硯自小城內地今皆屬甄氏

備甄氏書有傳其詳見

唐

公答元侍御書

甄氏於小城北立墅以居甄氏有節行

其子逢以學行為助教元和十四年二月二日

題

題李平壁記

余始得李生於河中今相遇於下邳州縣名屬徐

邳非下邳屬京北府補註下邳多作下邳按唐地理志下邳隸華州下邳泗州元和四年來隸

徐州今隸淮陽軍矣題此時猶隸泗州也其曰是來也云云則下邳是矣九域志曰清泠池脩

竹園微子廟皆在南京應天府今之唯陽蓋唐之宋川下邳其近地也黜於徐州六者公正元

十五年秋佐張建封于徐明年夏五月公罷去建封薨軍亂而公與李生四人相會于泗之下邳

自始及今十四年矣始相見吾與之皆未冠未

通人事追思多有可笑者與生皆然也今者相

遇皆有妻子昔時無度量之心寧復可有是生

之爲交何其近古人也是來也余黜於徐州將

西居於洛陽汎舟於清泠池泊於文雅臺下西

望商州東望脩竹園入微子廟求鄒陽枚乘司
馬相如之故文又立於廟陞間悲邦頌之不作
於是者已久商頌那祀成湯隴西李翱太原王
涯上谷侯喜實同與焉貞元十六年五月十四
日昌黎韓愈記書一作

新刊經進詳補註昌黎先生外集卷第四

新刊經進詳補註昌黎先生外集卷第五

雜著

除崔羣戶部侍郎制

補國除崔羣制元和十年考功郎中知制誥作唐故事知制誥蒲歲即真李晉之狀公行所謂知制誥月蒲遷中舍是也公知誥踰年登辭掖者亦累月而制
辭見于世者止此而又不入正集則公之文遺逸者多矣流落人間者太山一毫芒其斯之謂歟公以元和九年十二月二十五日考功郎中知制誥十一
正月二十八日降右庶子

勅地官之職邦教是先

按周官司徒掌邦教孔安國云地官也自吳有

戶部隋謂之民部唐修隋志復爲戶部以廟諱故也

必選國華以從人望

具官崔羣體道履仁內和外敏清而容物善不
近名從容禮樂之間特達圭璋之表禮記聘義圭璋特達
德此衆密命引益既多及貳儀曹外擢惟允邁
此令德藹然休聲選賢與能于今惟重擇才經
賦自古尤難唐志戶部掌天下土地人往慎廼
司以服嘉命可云云

祭汴州董相公文

補董晉以正元十五年二月三日薨
薨三日而殯歛而行於行之四日公從
喪至偃師而汴軍亂陸孟丘皆遇害此
文雖見于外集觀公所作晉行狀則此
寔公之作也其曰填道歡呼歡呼云者
觀柳子厚評吐篇則此言信不疑矣

維貞元十五年歲次己卯二月乙亥朔某日節
度行軍司馬檢校右散騎常侍兼御史大夫知
使事吳郡男陸長源度支營田判官檢校金部
員外郎侍御史孟叔度觀察支使監察御史衷
行丘穎觀察推官守秘書省校書郎韓愈等謹
以少牢之奠敬祭于故尚書右僕射平章事隴
西公之靈嗚呼天高而明地厚而平五氣叙行
萬彙順成交感旁暢聖賢以生雨水于雲瀆水
于坤蕃昌生物有假有因天睠唐邦錫之元臣
眈眈元臣

眈眈朱
綸切

其德孔碩不諂不威不赫不求

其用不致其敵不讎

一本云不容不致不感不

證云當從後本

爰立作相訐謨實勤出若無辭疇德之

聞帝念東土公其來撫乃守洛都乃藩浚郊

汴州也見復志賦

廼去厥疾

一本厥作廼

廼施厥膏不知其

勞鰥寡以饒維昔

辨證云一作若

浚郊維亂舊政有校

有狂其羣孔醜公其來矣爲民父母父誨其義

母仁其愚旣變旣從親去

一作云

其初自邇徂遠

混然一區公來自中天子所倚公今不歸誰佐

天子旣來至止

一作旣來旣止

東人以完公旣歿矣人

誰與安濁流渾渾有闢其郭填道歡呼公來之

初今公之歸公在喪車百酒既盈嘉肴在盛祀之器嗚呼我公庶享其誠尚饗時征切

雷塘禱雨文

補遺此柳子厚之作非公文也蓋雷塘在柳州子厚祭其弟宗直曰雷塘靈泉言笑如故一夢不覺便為古人則雷塘誠在柳州而此文編於柳集則宜於公之外集為誤矣

維神之居為坎為雷專此二狀一作象宅于巖隈

風軒

一作馬

雲車肅然

一作焉

徘徊能宅

一作澤

地產

以秩

一作祛

人災欽茲有靈爰以廟享

一作饗

誠惟

致敬

一作智

知敬我

一作神

以誠往苟失其應人神

一作神

知敬我

一作神

以誠往苟失其應人神

一作神

知敬我

一作神

知敬我

將安仰歲既早曠害茲生長敢用昭告期於作

于彤嚮自從一作朝受命臨茲裔壤泣政一方一作

初庶無淫枉絜廉自持忠信猶一作是仗苟有獲

矣神其可罔一作調擢擢嘉生惟天之養豈使染

盛夷於草莽騰波通氣出地奮響歛若成一作神

功惟神是獎

祭石君文

補註石洪潘川也公嘗與洪作誌矣洪世為河南人至是葬死所

維元和七年歲次壬辰七月二十七日右補闕

宋景國子博士韓愈謹以清酌庶羞之奠祭于

石三學士之靈惟君學成于身名彰于人知道
之可行見人之不幸不事顧讓以圖就功如何
奄忽求喪其躬曰景愈也與游為父自君之逝
相遇輒哀傍無強親子孩妻姪姪當作招字之誤也按喪記大
夫士浴用絺巾招用浴衣沐浴用瓦盤招用巾鄭
云招音震其也今石君旁無強親而子亦孩稚
而妻自浴其尸尔檢字書無姪字或疑作妻姪
子孩協韻姪少女之稱也辨證作推皆非是
敢忘分濟念力未任一作失客葬秦原孤竟誰
附奠以送訣悲何可窮尚饗

祭房君文

補遺房次卿蜀客也公嘗志其父墓有
曰次卿守興平尉至是死公祭之孟郊

以詩哭之見公將歸贈
孟東野房蜀客之什

維某年月日愈謹遣舊吏皇甫悅以酒肉之饋

度祭于一作於五官蜀客之柩前嗚呼君乃至於

斯一作此吾復何言若有鬼神吾未死無以妻子

為念嗚呼房君其能聞吾此言否尚饗

高君仙硯銘并序

補遺 高常之文世無傳
焉其姓名僅見于此

儒生高常與予下天壇中路獲硯石似馬蹄狀
外稜孤聳內發墨色幽奇天然疑神仙遺物寶
而用之請予銘底

仙馬有靈迹在于石稜而宛中有點墨迹文字之祥君家其昌

高君畫讚

君子溫閑骨氣委和迹不拒物心不揚波

楚辭漁父

曰翠世混濁何不隨其流而揚其波

澄源卷璞含白瑳瑳遺

蜀一作

帑一張德音不忘

潮州請置鄉校牒

圖

則趙公自潮移來有別趙子詩觀其詩

然此文止見於外集李漢豈逸之耶其後東坡作潮州廟記云始潮人未知學公命進士趙德爲之前自是潮人皆篤於文行延及齊民至于今号稱易治此

亦公潮州德政之一也史氏既不書而德又逸之可不惜哉

孔子曰道之以政齊之以刑民免而無耻不如

以德

疑脫禮字

爲先而輔以政刑也夫欲用德禮未

有不由學校師弟子者此州學廢日久進士明

經百十

一作數

年間不聞有業成貢于王廷試干

有司者人吏目不識鄉飲酒之禮耳未嘗聞麗

鳴之歌忠孝之行不勸亦縣之耻也夫十室之

邑必有忠信今此州户万有餘豈無庶幾者耶

刺史縣令不躬爲之師里閭後生無所從學耳

趙德秀才沈雅專靜頗通經有文章能知先王

之道論說且排異端而宗孔氏可以為師矣請
擢海陽縣尉為衙推官一有專勾當州學以督生
徒興愷悌之風刺史出已俸百千以為學一作
本收其贏餘以給學生厨饌

直諫表

辨證云直諫表論顧威狀舊本皆無其
文亦不類退之公在穆宗朝不聞有直
諫事設或有之豈得不傳蓋後人妄託
公名以售其文或効其體而才力不紹
者顧威狀在元和八年五月時退之年
四十六為比部郎中史館修撰云以
年齒衰暮不甚政事何取補又復此
表觀之此誠公之作矣然考之行狀墓
誌神道碑新舊史皆莫之書夫豈當時
草而未上耶抑雖上而穆宗昏童不之

領也且公在德宗朝其為監察御史也
坐論天旱人饑出為陽山令在憲宗朝
為職方外郎也坐論華陰令柳澗為國
子博士其為中書舍人也坐論伐蔡降
右庶子其為刑部侍郎也坐論佛骨出
為潮州刺史是以新舊史及誌狀皆書
焉其論停選舉論捕賊行賞論錢重物
輕與夫論顧威及此直諫表則不書疑
草而矣未上或奏入而不報史氏遂無得
而書矣事既不書且其文見于外集或
者遂以為非公之作則明水賦通鑑崔
虞部書河南同官記見于趙德文錄李
渤書見于李渤傳劉秀才論史書見于
子厚集鄴人對見于孝友傳皆外集也
使其不幸而無所攷見詎可謂之非公
作耶或曰公力去陳言而此表淺近如
內人與獵士通儒大君與凡庶爭路等
語非公作也是又不然詩曰於乎小子
未知臧否匪手携之言示之事匪面命
之言提其耳穆宗季重公過為丁寧周

至猶懼其不悟矧為深遠之辭哉或護
諸葛孔明文指不遠陳壽以謂臯陶與
舜禹共談其謨畧而雅周公與羣下矢
誓其誥繁而悉孔明明所與言盡衆人凡
士故其文指不遠其
公諫穆宗表之謂耶

臣某言臣愚昧忝位聖唐歷事三主矣德順臣
以文學進身故前代史皆得詳覽深聞古之聖
主明帝之御天下也其祚長寧宇肅平古之亂
主昏君之有天下也其祚短海內處禍抑各有
由蓋古先綿邈不可殫錄臣敢徵三王已下治
亂之原以論得失伏惟皇帝陛下特賜采聽焉
誠惶誠恐頓首頓首惟大禹受禪於虞首臨大

實業業兢兢無遊于逸罔淫于樂節嗜欲任賢

材賞功罰廢納忠去邪以至於晏清泊桀凶德

恣行慢遊是好王政不脩大典寢滅九有之事

一旦焚如自禹至桀凡十六王惟殷湯煥乎帝德放于南

巢商書仲虺之誥曰成湯放桀于南巢今廬江巢縣肇修人紀從諫弗

倦商書伊訓曰先王肇修人紀從諫弗畔言湯始修為人綱紀有過則改從諫如流是也

淫聲絕耳不事畋游納方正之冊訐耆老之言

至于和平汨紂侮亂厥常蕪敗丕業荒醜冒色

毒害忠良自湯至紂凡二十八王惟周王桓桓武威周頌桓桓

桓桓王桓桓也誓戎屏禍建立王基聿修德義謀念

鰥寡不務逸遊八方清肅洎孽赦積咎日滋輕

喪盛烈或作威福與天下皆殄自武至祓凡三十有六王秦

始皇創安邦本則侮慢大猷天下紛擾人無覆

載皇天鑒臨下土不貳代湮滅以至於大漢攻

伐十年然後富有王土洎文惠宣昭已歷數代

守享國祚海內大康自開闢已來未有如大漢

之盛也苟非官人以材示人以信聞諫如不足

見賢如思齊輕薄賦斂剪截讒邪去衛鄭逐淫

蕩不重輕騎不好畋獵負宸慄慄禮記明堂位曰天子負斧

依南向而立鄭氏注云負之言背也以斧依爲斧文屏風於戶牖之間依本作展同於豈切

恐若墜諸泉谷則天何能不降景福以貽其輔
哉魏晉以降治亂玄興皆由德之不修以至誅
滅敬慎乃位以至昌明洎聖唐赫有中土天下
晏平高祖太宗之德與湯武侔比而睿宗玄宗
肅宗之道過於漢之惠文明矣德宗神氣端重
道德昭明布大義以賓四夷引儉節以安黎庶
先朝神武文明睿慮深遠式修往訓以育黎人
御宇十有五年戡殘六將甲兵坐野而國用自
豐問罪興師而與天行罰酬功賞課允協大中
由是府庫仍充人不歸怨自周漢已來未有先

朝之大也陛下嗣膺丕烈文武通明寰海以清
華夷增氣山川時序稼穡以豐臣頃在南荒慶
幸無地謂王業中興於陛下之治也臣近祇召
歸朝日覲丹闕所聞聖德或有所疑敢獻苦辭
庶有裨益陛下頃以大道坦蕩周遍郊畿累日
宴遊忘返王政恣車騎於嶮巖之地驟龍驤於
大壑之中內人與獵士通衢大君與凡庶爭路
亦可怪哉亦可異哉初有此議朝野震驚故太
子少師鄭餘慶率百官上諫以事必不可異回
聖心陛下以至道無虞斷自宸慮畢竟行之羣

臣以溫泉宮池舊城固壯陛下以至仁御物亦
可防閑故其諫且止臣近聞陛下七月十五日
幸安國寺觀禮空王以爲崇福施信示天下仁
心又聞令兩軍勇夫恣樂于此縱百姓觀之役
令內官一作先持金帛於前厚賞勝者用過數萬
事以駭羣聽又聞八月二十五日幸魚藻宮令
兩軍擊伎結筏於池欲拋毬樂溺斃數衆糜射
百萬是日天地變色日月沉光方正之臣殆欲
自死且夫人之性命國之府庫自古聖帝莫不
愛惜所以審慎用刑輕薄賦歛今陛下所用是

皆百姓筋力使耕者不得食蠶者不得衣以應
國用陛下不將以勞邊軍以護社稷賑貸凶荒
以施惠愛而用與勇夫仗士與灰棄何殊遂使
邊軍生心疲人聚怨賢達之士所痛心怪駭而
已又聞九月九日幸普濟寺亦如是作樂罷散
曲江坦率衢路庶士凡俗與鸞駕交行官官後
宮共車馬通雜臣聞之戰恐愕然無圖自古天
子皆深固宮闕以衛不測事故而出必烏先相
風鼓以數里

晉令曰車駕出入相風前引又開元天寶遺事宮中植長竿挂五色

旌綴以金鈴占風候謂之相風旌

命有司禁道閱將士閑輿然

後出之尚懷兢慄今陛下輕為車騎不嚴龍威

臣恐陛下社稷危於垂堂矣前漢袁盎傳曰千金之子坐不垂堂

顏師古曰言富人之子則自愛也垂堂謂坐一堂外邊恐墜墮也一見司馬長卿書臣又

聞古聖王之有天下也必旁求俊彥親自詢事

擇其善者以為國相蓋以天步艱難思得賢而

佐理王業之本教化之原今聞陛下自登位已

來惟詔四方進壯士戲臣珍禽異獸放縱宴樂

以快天心逸遊苑囿用悅聖意臣觀陛下今日

之事已過桀紂之時臣今直言非為陛下一人

蓋為天下保其土耳陛下若不納且諫荒淫不

息臣之家族連項就戮甘心然而恐社稷非日
傾危他時爲文藝者弄筆墨賢良隱逸怪笑也
陛下若納臣諫變忘舊事式遵王度非臣獨幸
乃陛下享位無疆天下幸甚天下幸甚今朝亦
有非陛下者然而畏其誅翦苟循名在公今臣
雖愚昧亦豈可不盡忠誠先朝十三年冬用幻
僧矯堅一作之言遠致佛骨歸還京師以禮之
當時京師之人猖狂歸依臣處朝班謾譎上諫
先朝不納攘臂大怒又不蒙賜死遠投荒州明
年二月先朝以佛骨葬于岐陽虔敬之心罔敢

逸豫謂枯骨可祐無疆之休未得一年上天降

大禍先朝外遐

博物志秦之西有義渠國其親戚死聚柴積而焚之即塗上謂

之登遐此佛國之法也當時憲宗以煬崩諱之故此變文言外遐

如彼骨可憑

臣家族合至灰滅先朝合享如山之壽矣當時
齒朝之士不能梗直乃徇聖心亦爲臣非洎陞
下續承天統不以臣愚使臣歸朝戰懼無地誠
忝昌時今陛下不重龍威恣意遊逸不詢賢哲
好尚驕淫臣今不避菹醢懇直諫詞冀有所補
以報國恩伏惟皇帝陛下英明睿聖幸回天鑒
哀臣芻蕘以安天祚如其不可乞刑市朝臣死

不恨無任懇迫之至謹先著白衫俯伏西上閣

門獻表以聞

武王有疾周公欲以身代之自古

也非周公之強為蓋人臣之心所當然耳而此表乃謂文公與憲宗較短長之命焉呼對人之子而斥言其父之惡在稠人尤以為不可而況於君臣之間乎此語乖刺極無禮之甚文公必不然也蓋緣文公昔諫憲宗之時言晉魏事佛年代尤促故後人託之遂作諫表以驗文公之言而不知暴其君之過以買直使非公之語讀至此益知諫表之妄也

論顧威狀

辨證以為非公所作見直諫表記補註許季同孟容之弟公同年也季同為兵部侍郎而公是時為兵部顧威既領兵籍而此乃兵部之屬是以公與季同皆得論列其異同固無怪而可疑者史氏不書也按元和六年富平縣人梁悅為

父復仇公時為職方外郎以狀獻議史
臣書于憲紀刑法志新史書于孝友傳
至是獨不書何哉當是時既從季同之
議矣而公以為不可再有此狀至引朱
婁之事而終之曰臣以年齒衰暮不堪
政事乞放歸田畝其辭亦已直矣奮然
不顧文去就以為請無乃奏而不報史
氏遂無得而書編者亦從而逸之熙其
為直諫表一也或以為非公作後人託
公名為之論顧威在元和八年時公年
四十四而曰年齒衰暮耶且凡託名必
依放其文而託之如趙璘謂華是也
此特因事論列無甚文辭可以驅駕者
何託名為哉公祭老成時方三十四已
有視茫茫髮蒼蒼之
語况今四十六耶

元和八年五月七日神策軍奏稱當軍健兒顧
威因酒醉打繼母一拳誤倒地致死者八日奉

勅令有司議者兵部郎中許季同奏狀略云顧
威身本賤人名繫戎旅久曾侍衛頗著大功今
者罪刑近至於死幸因醉酒誤托繼親豈意致殂
當推宿業況不動刀尺檢身又無青痕今便施
刑寃詞難施當從重決仍賜餘生云云至八日
晚衙韓某表請從刑法者奉勅准許季同奏狀
九日又上此表臣某頓首頓首死罪臣聞先賢
歌鳳鳥不至河不出圖蓋恨不見聖明之代矣
臣幸生遇明時長及聖代臣是以不揆愚鄙効
古人懸梁之節

陳暄爲後主散騎常侍陪侍遊宴謂爲狎客常倒懸于梁臨之

以乃命使作賦仍限以畧刻贖援筆即成不以爲病事見南史欲成陛下之基

業豈復利於寸祿乎昨日顧威弒其繼親奉詔

下議許季同以其弧矢之小藝蔑陛下之大法

臣是以不避誅刑特以表奏陛下以其曾侍衛

而亂刑章臣聞臣弒其君子弒其父非一朝一

夕之故其所由來者漸矣坤文言履霜堅冰至顧威雖云

一拳前後積怨之久方至於此陛下不思其深

恨欲爲一拳而法輕耳昔者邾婁之世有弒其

父者國君爲之失席殺其人壞其室洿其宮而

瀦焉君踰月而後舉爵邾婁定公見禮記檀弓下陸德明釋文云婁力

朱切或如字解人呼卿聲曰婁故曰卿婁今雖弑其繼母一種天地

何有厚薄一種尊親皆同服制陛下豈得輕乎

商書云萬方有罪在予一人商書文陛下聞之

乎臣是以惜陛下之大義成陛下之大望必以

臣愚見不可不采古人有諍臣七人今臣之獨

陳一力胡能止百官之諛哉臣以年齒衰暮不

堪政事伏乞盡削臣官放歸田里逍遙從道以

盡餘年臣本庸愚執在中正不識忌諱冒死上

陳使言之無罪聞之足以戒臣當寸草之命骨

肉謝於陛下矣若以詔議可從難遂遷變即當

微臣避席以俟嚴誅臣某

六六

誌

新刊經進詳補註昌黎先生外集卷第五

新刊經進詳註昌黎先生外集卷第六

順宗實錄卷一

定藩邸盡貞元二十一年二月

新史藝文志順宗實錄五卷韓愈沈傳
師宇文籍撰李吉父監脩舊史太愈有
史筆及撰順宗實錄繫簡不當敘事拙
於取捨頗為當代所非穆宗文宗常詔
史臣添改愈聳李漢將係在顯位諸公
難之而韋處厚竟別撰順宗實錄三卷
溫公云景祐中詔編次崇文總目順宗
實錄有七本皆五卷題云韓愈等撰五
本略而二本詳編次者兩存之其下多
同異按新史云自韓愈為順宗實錄
議者闕然不息卒窺定無完篇則公之
所書蓋已十去七八雖云七本具在亦
真偽相半但恨溫公未能辨正之爾然
此一本附于韓集之後其來已久觀其

去取好惡頗與永貞行齋相類但詩略而實錄詳至於謂順宗在東宮二十年天下陰受其賜此一時美事而此語不載何耶王荆公云韓愈之作史真良史也實而有文觀順宗之實錄可見矣

順宗至德大聖大安孝皇帝諱誦德宗長子母

曰昭德皇后王氏

唐史皇后王氏史家失其譜系帝為魯王時約為嬪生順

宗尤見寵禮貞元三年立為皇右冊禮方訖而崩

上元二年正月十二

日生大曆十四年封為宣王建中元年立為皇

太子慈孝寬大仁而善斷留心藝學亦微信尚

浮屠法禮重師傳引見輒先拜善隸書德宗之

為詩并他文賜大臣者率皆令上書之

順宗所書佛經

今猶有存者太宗善書故唐德宗之幸奉天感

錄云建中初術士桑道茂請城奉天城為王者

乃驗是倉卒間上常親執弓矢率軍後先導衛

備嘗辛苦上之為太子於父子間慈孝交洽無

嫌每以天下為憂舊史云史臣韓愈曰順宗之

水嬉彩艦雕靡宮人引舟為擢歌絲竹間發德

宗權甚太子引詩人好樂無荒為對每於敷奏

未嘗以顏色假借官官居儲位二十年天下陰

受其賜借手寢疾踐阼近習弄權而能傳政元

良克昌運祿賢哉新史德宗在位久稍不假宰

相權而左右得因緣用事外則裴延齡李齊運

韋渠牟等以姦倭相次進用延齡尤狡險判度

吏務刻剥聚歛以自爲功天下皆怨怒上每進
見侯顏色輒言其不可至陸贄張滂李充等以
毀譴朝臣懷懼懷懼也音色江諫議大夫陽
城等伏閣極論德宗怒甚將加城等罪内外無敢
救者上獨開解之城等賴以免德宗卒不相延
齡韋渠牟上有力焉貞元二十一年癸巳德宗
崩鄭侯家傳曰德宗初議敗元李泌曰本朝之
盛無如貞觀開元各取一字以爲則效乃敗
貞元景申上即位太極殿冊曰蔡邕獨斷曰上者
尊位所在也太史
令司馬遷記事當言帝則依違之但言維貞元
上不敢測讀故後之作史者取以爲法維貞元
二十一年歲次乙酉正月辛未朔二十三日癸

已皇帝若曰於戲天下之大實惟重器祖宗之

業允屬元良

商書曰一人元良萬邦以身孔安國曰天子有大善則天下得其正

咨爾皇太子誦睿哲溫恭寬仁慈惠文武之道

秉自生知孝友之誠發於天性自膺上嗣毓德

春闈

毓養也音余六切與育同春闈東宮也爾雅曰宮中之門曰闈恪慎于厥

躬祇勤于大訓必能誕敷至化安勸庶邦朕寢

疾彌留弗興弗悟

尚書成王命召公相是命康王之辭事見顧命

爾繼統俾紹前列亘陟元后永綏兆人其令中

書侍郎平章事高郢奉冊即皇帝位爾惟奉若

天道以康四海懋建皇極以熙庶功無忝我高

祖太宗之休命上自二十年九月得風疾因不能言使四面求醫藥天下皆聞知德宗憂蹙形于顏色數自臨視二十一年正月朔含元殿受朝還至別殿諸王親屬進賀獨皇太子疾不能朝德宗爲之涕泣悲傷歎息因感疾恍惚日益甚二十餘日中外不通兩宮安否朝臣咸憂懼莫知所爲雖翰林內臣亦無知者二十三日上知內外憂疑紫衣麻鞋不俟正冠出九仙門召見諸軍使京師稍安

德宗以是日崩即前癸巳日也

二十四日

甲子宣遺詔上縗服見百僚二十六日即位

即前景申

日上學書於王。王伾伾頗有寵。王叔文以基進俱待詔翰林。數侍太子。基叔文詭譎多計。上在東宮。嘗與諸侍讀并叔文論政。至宮市事。上曰：寡人方欲亟言之。衆皆稱贊。獨叔文無言。既退。上獨留叔文。謂曰：向者君奚獨無言？豈有意耶？叔文曰：叔文蒙幸太子有所見。敢不以聞。太子職當侍膳。問安。不宜言外事。侍膳者視寒煖之節也。問安者問今日安否也。此文王爲世子時事。王季之禮見禮記。陛下在位久。如疑太子收人心。何以自解？上大驚。因泣曰：非先生寡人何以知此。遂大愛幸。與王伾兩人相依附俱出。

入東宮聞德宗大漸上疾不能言伾即入以詔

言乘兩宮不安將
將被詔入內也

叔文坐翰林中決事伾雖以

叔文意入言於宦者李忠言稱詔行下外初無
知者以檢校司空平章事杜佑攝家宰兼山陵
使中丞武元衡爲副使宗正卿李紆爲按行山
陵地使刑部侍郎鄭雲逵爲鹵簿使又命中書
侍郎平章事高郢撰哀冊文禮部侍郎權德輿
撰謚冊文太常卿許孟容撰議文庾子百僚請
聽政曰自漢已來喪期之數以日易月而皆三
日而聽政

事見漢書
孝文本紀

我國家烈聖亦克脩奉罔

或有違況大行皇帝酌於故實重下遺詔今日
至期而陛下未親政事群臣不敢安宜存大孝
以寧萬國天下之幸不許是月昇泗州爲上州
二月辛丑朔中書侍郎平章事臣郢門下侍郎
平章事臣瑜珣檢校司空平章事臣佑奉疏曰
大行皇帝知陛下仁孝慮陛下悲哀不即人心
聽政事故發遺詔令一行漢氏之制今陛下安
得守曾閔匹夫之小行曾參閔損皆孔子弟子志皇
王繼親之大孝以勵臣子承順之義猶不許壬
寅宰臣又言曰陛下以聖德至孝繼受寶命宜

奉先帝約束以時聽斷不可以久從之癸卯朝
百寮于紫宸門杜佑前跪進曰陛下居憂過禮
群臣懼焉願一覩聖顏因再拜而起左右乃爲
皇帝舉帽百寮皆再拜佑復奏曰陛下至性殊
常哀毀之甚臣等不勝惶灼伏惟一作望爲宗廟
社稷割哀強食景午罷翰林陰陽星卜相息亮
覆基諸待詔三十二人初王叔文以基待詔旣
用事惠其與已儕類相亂罷之已酉易定節度
張戢昭可同中書門下平章事餘如故戢昭唐有傳
河北節度自至德已來不常朝覲前年冬戢昭

來朝未還故寵之辛亥詔吏部侍郎韋執誼守

左丞同中書門下平章事賜紫李翱卓異記云社黃裳為相時

執誼自吏部郎中賜紫直及平章事與妻父同時為相近古未有初執誼為翰

林學士知叔文幸於東宮傾心附之叔文亦欲

自廣朋黨密與交好至是遂特用為相乙卯太

常奏禮云喪三年不祭惟祭天地社稷周禮

鍾之均六變天神皆降林鍾之均八變地示咸

出事見春官注云圓鍾夾鍾也生於房心之氣

未之氣或曰在東井與鬼之外均調也變更也

樂成則更變也天神則主北辰地示則主崑崙

謂祭天圜立不廢天地之祭不敢以卑廢尊也

以害配之也

樂者所以降神也不以樂則祭不成今遵遺詔

行易月之制請制內遇祭輟樂終制用樂從之

又奏禮三年祭宗廟今請俟祔廟畢復常從之

辛酉貶京兆尹李實為通州長史

實道王元慶四世孫唐史

有詔曰實素以宗屬累更任使驟外班列遂極

寵榮而政乖惠和務在苛厲比年旱歉

歉不足也苦旱

詰念二切公羊傳曰一穀不熟先聖憂人特詔

日歉墨子曰二穀不收曰旱

逋租悉皆蠲免而實敢肆誣罔復令徵剥頗紊

朝廷之法實惟聚斂之臣自國哀已來增毒殫

甚無辜斃踣深所興嘆

一作嗟

朕嗣守洪業敷弘

理道寧容弊

一作

政以害齊人宜加貶黜用申

邦憲尚從優貸俾佐遠藩實諂事李齊運駮遷
至京兆尹恃寵強慢不顧乃法是時春夏旱京
畿乏食實不以介意方務聚歛徵求以給進奉
每奏對輒曰今年雖旱而穀甚好由是租稅皆
不免人窮至壞屋賣瓦木貸貸一無字麥苗以應官
優人成輔端爲謠嘲之實聞之奏輔端誅謗朝
政杖殺之實遇侍御史王播於道故事尹與御
史相遇尹下道避實不肯避導騎如故播詰讓
導騎者實怒遂奏播爲三原令

三原縣名屬京兆府廷詔

之指神道碑云播爲侍御史時京兆李實太皇
所委能禍福卿士凡其榮喪繫所附背掌朝
迎避其鋒公在途而實來揖公移文語之其詞
可羞實遂奏公爲三原令求其不足於禮以持
之公至尹署還其邑敬凌轢公卿已下隨喜怒
禮無不具實反加畏焉誣奏遷黜朝廷畏忌之嘗有詔免畿內逋租實
不行用詔書徵之如初勇於殺害人吏不聊生
至譴市里謹呼皆袖瓦礫遮道伺之實由間道
獲免壬戌制殿中丞皇太子侍讀翰林待詔王
伾可守左常侍依前翰林待詔蘇州司功王收
文可起居舍人翰林學士又以司勳員外郎翰
林學士知制誥鄭絪爲中書舍人學士如故又

以給事中馮伉爲兵部侍郎以兵部員外郎史
館脩撰歸登爲給事中脩撰如故登伉皆上在
東宮時侍讀以師傳恩拜

新刊經進詳註昌黎先生外集卷第六